

AASIANNI NUTAAMIK UTOQQAAT ILLULIORNISSAMUT PILERSAARUSIORNEQ



SANATITSISUMIT SAQQUMMIUSSAQ

Ulloq:

28. oktober 2011

Suliarinnittoq:

Derek K. Pedersen

Kukkunersuisut:

ML, KPS og D.I.K.P.

Akuersisoq :

DK.P.



QAASUITSUP KOMMUNIA

Sanaartornermut Ingerlatsinermullu Allaffeqarfik

Noah Mølgårdip Aqq. 9

Postboks 1023

3952 Ilulissat

IMAI

IMAI.....FEJL! BOGMÆRKE ER IKKE DEFINERET.

1.0 UNAMMISITSINERMI PIUMASAQAATIT 4

Atugassarititaasut nalinginnaasut.....4

- 1.1 NEQEROORTITSISOQ..... **FEJL! BOGMÆRKE ER IKKE DEFINERET.**
- 1.2 NEQEROORTITSISUP ATTAVEQAATAA4
- 1.3 NEQEROORTITSERIAASEQ **FEJL! BOGMÆRKE ER IKKE DEFINERET.**
- 1.4 PILERSUEQATAASUT **FEJL! BOGMÆRKE ER IKKE DEFINERET.**
- 1.5 SULLISSINERNUT TUNNGAVISSAT5
- 1.6 NEQEROORTITSINERMI ATORTUSSANIK PISSARSINIARNEQ.....5
- 1.7 UNAMMISITSINERMUT SIUNNERSUUMMIK TUNNIUSSINEQ5

2.00 SULLIISSINERMIK ALLAASERINNINNEQ..... 7

- 2.1 INISSIINEQ.....7
- 2.2 ALLAMUT INISSIINEQ8
- 2.3 ANINGAASAQARNIKKUT SINAAKKUTIT9
- 2.4 UTOQQAAT ILLUANUT NUTAAMUT PIUMASAQAATIT9
- 2.5 PISARIAQARTINNEQARTUT IMMIKKOORTORTAQARFIILLU - ”SULISUT SIUNNERSUUTAAT”9
- Puigtortormik nappaatilinnut immikkoortortaqarfik.....9*
- Paaqqinninnermut immikkoortortaqarfik.....10*
- Namineersinnaanerusunut immikkoortortaqarfik.....10*
- 2.6 ISERSIMAARTARFIK SAMMISASSAQARTITSINERILLU10
- 2.7 ALLAFFISSORNEQ ALLAFFIILLU11
- 2.8 EQQIAANEQ PEQQUMAASIVIILLU.....11
- 2.9 PIFFISSALIUSSAT12

3.00 PIUMASAQAATINIK ERSEQQISSAANEQ 12

- 3.1 ISIKKUA ILLOQARFIMMILU AVATANGIISINUT TULLUUSSARNERA12
- 3.2 ATORLUARSINNAANERA SANAARTORIAATSILLU13
- 3.3 ASERFALLATSAALIINEQ INNAALLAGISSALLU AQQUTAI.....13
- 3.4 INGERLATSINEQ ANINGAASAQARNERLU.....13
- 3.5 UNAMMISITSINISSAMUT SIUNNERSUUMMUT PIUMASAQAATIT.....13
- 3.6 UNAMMISITSINISSAMUT SIUNNERSUUMMIK TOQQAANEQ14
- 3.7 ALTERNATIVE KONKURRENCEFORSLAG14
- 3.8 PISSAMAARUSSIUSSINEQ **FEJL! BOGMÆRKE ER IKKE DEFINERET.**
- 3.9 TAMALAAT15

1.0 Unammisitsinermi piunasaqaatit

Atugassarititaasut nalinginaasut

Una Sanatitsisumit Saqqummiussaq Aasianni nutaamik utoqqaat illuliornissamut tunngasuuvoq. Saqqummiussami suliaasami aningaasaqarnikkut piffissaliussatigullu sinaakkutit kiisalu ilusiussassatut siunnersuutip annertussusaa aalajangersarneqarput. Saqqummiussami aamma sumiiffimmi atugassarititaasut kiisalu siunissami pisariaqartinneqartut atortuusussallu aallaasari-neqarput.

Una saqqummiussaq nutaamik utoqqaat illuliornissamut pilersaarusiornissamut tunngaviliisuuvoq. Pilersaarusiornierup nalaani sanaartugassanik titartaasartup atuisut sanatitsisorlu suleqatigissavai, tassaasoq Kommuni.

1.1 *Neqeroortitsisoq*

Qaasuitsup Kommunia, Noah Mørlgaardip Aqq. 9, Postboks 1023, 3952 Ilulissat neqeroortitsisuuvoq.

Neqeroortitsisoq Kommunitut taaneqartassaaq neqeroorisorlu Sanaartugassanik Suliakkerneqartartut taaneqartassalluni.

1.2 *Neqeroortitsisup attaveqaataa*

Neqeroortitsinerup nalaani, neqeroortitsisutut attaveqaataavoq Derek K. Pedersen tlf. 957875, email dep@qaasuitsup.gl imaluunniit Karl Peter Skaarup tlf. 894727 email kapk@qaasuitsup.gl.

Apequtit emailikkut allakkatigulluunniit nassiunneqarnissaat piunaneqarpoq. Akissutit naqqiissutitullu allakkiaasinnaasut Kommunip nittartagaani ingerlaavartumik tamanut saqqummer-sinneqartarumaarput.

1.3 *Neqeroortitseriaaseq*

Neqeroortitsisoq aalajangersimavoq una neqeroortitsineq pisortatigoortumik suliariumannittusarsiuussinertut ingerlanniarlugu. Immikkoortumi 3.5-imi 3.6-imilu periuseq atorneqartussaq pillugu itinerusumik nassuiaasiortoqassaaq.

1.4 *Pilersueqataasut*

Pilersueqataasunik atuinissaq, siunnersuuteqartup kiffaanngissuseqarluni toqqarsinnaavaa. Pilersueqataasut ilinniarsimassutsikkut piukkunnartunik pigineqartariaqartunik peqarnissaat siunnersuuteqartup akisussaaffigissavaa.

Siunnersuuteqartup isumaqatigiissuteqarnermi pilersueqataasorlu isumaqatigiissuteqarsimaguni, tamanna saqqummiussinnaasariaqarpaa.



1.5 Sullissinernut tunngavissat

Unammisitsinermut siunnersuummut sullissinernullu tunngaviit makkuupput:

- Una Sanatitsisumit saqqummiussaq naqqiissutitullu allakkiaasinnaasut.
- Atuisut / sulisut kissaataat

Suliassat suliarineqarnerini, neqerooruteqartoq oqartussanik akuersissutinik pisarialinnik tamanik tamatigut peqqaartussaavoq.

Siunnersuuteqartup suliariumannittussarsiuussinermut atortunik tigusinerani, neqerooruteqarnermi atortussat tamakkiisumik pigalugit qulakkeernerisa saniatigut, inatsisit, maleruagassat, maleruagqusat, maligassiat uppernarsaatillu il. il. imarisai ilisimaareqqissaassavai.

Naatsorsuutigineqarpoq siunnersuuteqartup, unammisitsinermut siunnersuummik tunniussinnginnermini, sumiiffimmi atugassarititaasut ilisimalereersimassagai, matumani ilanngullugu Aasianni illoqarfimmik ilisimanninneq sanaartorfissanullu appakaaffissani atugassatititaasut.

1.6 Neqerooruteqarnermi atortussanik pissarsiniarneq

Neqerooruteqarnermi atortussat Kommunip nittartagaani uani pissarsiarineqarsinnaapput: <http://www.qaasuitsup.gl/da-DK/Erhverv/Bygge-og-anlaeg/Licitationer-udbud-og-indkoeb> isumaqatigiissuteqareernerullu kingorna mailikkut nassiunneqarsinnaallutik.

1.7 Unammisitsinermut siunnersuummik tunniussineq

Unammisitsinermut siunnersuut pappialanngorlugu nassiunneqassaaq/tunniunneqassaaq uunga:

Qaasuitsup Kommunia, Sanaartornermut Ingerlatsinermullu Allaffeqarfik
Noah Mølgaardip Aqq. 9
Postboks 1023
3952 Ilulissat

Att.: Derek K. Pedersen

Tunniussiffissatut piffissaliunneqartoq:

Sisamanngorneq ulloq 09. februar 2012, nal. 11.00 Kalaallit Nunaata kitaata nalunaaqutaa naapertorlugu

Neqeroorut allakkat-puuani matoqqasumiissaaq ima allassimalluni ”**Allagarsialerisumit ammarneqassanngilaq – Unammisitsinermut siunnersuut: Aasianni nutaamik utoqqaat illuliornissamat pilersaaruserneq.**”

Unammisitsinermut atortussat takussutissiannngorlugit tunniunneqarnissaat (planche) kissaatigineqarpoq.

Allakkat puuani neqerooruteqartup aqqa, najugaa attaveqaataalu (immaqalu suliffeqarfiup naqitssaa) allanneqassapput.



Neqerooruteqartoq ornigulluni tunniussiarturnermini piffissaq eqqorlugu tunniussisimanerminut uppersaammik tunineqarsinnaavoq. Kingusinaartumik neqeroorummik tiguneqarsimasut utertinneqassapput naliliinermilu ilanngunneqassanatik.

Neqeroorutit tiguneqarsimasut Kommunimi (Noah Mølgaardip Aqq. 9) ammarneqassapput ulloq 09/02-2012 nal. 11.00 Kalaallit Nunaata nalunaaqutaa naapertorlugu. Neqerooruteqarsimasut ammaanermi peqataakutsoorsinnaapput.



2.00 Sullissinermik allaaserinnineq

Atuisut / sulisut kissaataat naapertorlugit maanna atugassarititaasut nutaamullu utoqqaat illua-
nut siunissamut pilersaarutit allaaserineqassapput.

Allaaserineqartumi siunertarineqarpoq siunnersuisartup ilusiliussassatut siunnersuutaani allaa-
serineqartut aallaavigalugit siunnersuisartup atuisut / sulisut sanatitsisorlu pingaarnersiuner-
mi erserissaanermilu suleqatigissagai.

2.1 *Inissiineq*

Utoqqaat illuat nutaaq illoqarfiup qeqqata eqqaanut sapinngisamik inissinneqarnissaa kissaati-
gineqarpoq, taamaalilluni iliveqarfimmut napparsimmavimmullu ungasippallaannginniassam-
mat.

Maanna utoqqaat illuat paaqqinninnermut immikkoortortaqaarfittalik puiguttormillu nappaa-
tilinnut immikkoortortaqaarfittalik illoqarfiup qeqqani inissisimavoq imaanullu pitsavimmik
isikkiveqarluni, takuuk Asseq 1.

Sanatitsisup atuisullu kissaatigaat utoqqaat illuat nutaaq massakkut pioreersup inissisimavianit
nuunneqassanngitsaq.



Asseq 1 Massakkut utoqqaat illuata inissisimavia.

Una inissisimavik Utoqqaat Illuani najugaqartunut sulisunullu kiisalu Aasiammunut pitsaanerpaavoq pissutigalugu angallannermut soorlu pinartoqartillugu napparsimmavimmukarnissaq ungasippallaangimmat.

Maannali utoqqaat illuani pioreersumi inissaaleqineq pissutigalugu siunnersuutigineqarpoq inissiaq nutaangitsoq B-674 ingutserneqassasoq, takuuk asseq 1, paaqqinninnermullu immikkoortartaqarfimmik nutaamik taarserlugu inissanik pisariaqartitsineq matussusersinnaajumallu arlariinnik ininik quleriilerlugu sanaartorneqarsinnaasoq.

Nalilerneqarpoq 850 m² inissanut pisariaqartinneqassasut.


Siunnersuuteqartup/sanaartugassanik titartaasartup inissisimaffik taanna aallaavigalugu unammisitsinermit siunnersuusioruni, taava immikkoortortamat pilersaarut unioqqutinnagu inissiami nutaami inissat pisariaqartinneqartut matussuserneqarsinnaanerit pillugu nassuiaateqassaaq. Sumiiffimmi immikkoortortamat pilersaarut teknikkeqarfimmi pissarsiarineqarsinnaavoq.

Kissaat tamanna aallaavigalugu unammisitsinermit suliniut suliarineqarpat B-27 iluarsartuunneqassaaq puiguttunngornermillu nappaatilinnut nutaatut immikkoortartaqarfingortinneqassaluni. Tamanna sulinummut siunnersuummut ataatsimoortunngorlugu ilanngunneqassaaq.

Utoqqaat Illuani inissianut pioreersunut titartakkat atortussallu allat teknikkeqarfimmi pissarsiarineqarsinnaapput.

2.2 Allamut inissineq

Paasinarsippat utoqqaat illuani pioreersumi inissaqartitsineq kipiluttunartoq imaluunniit aaqqiineq missingersuutininik sippuisitsissasoq, taava kissaatigineqarpoq utoqqaat illuat nutaaq sumiiffimmi C3-mi sanaartorneqassasoq, takuuk asseq 2. Kommunimi pilersaarut 2006-2016 teknikkeqarfimmi pissarsiarineqarsinnaavoq.



Asseq 2 Sumiiffik illoqarfiup qeqqanngortinnissaanut siunertarinqartoq C3.



Sumiiffimmi C 3-mi utoqqaat illuat nutaaq inissineqassaaq taamaalilluni immap tungaanut kii-salu iliveqarfimmut isikkiveqarsinnaaniassammat.



Asseq 3 Sumiiffik C 3 Sparip tunuani immap oqaluffiullu tungaanut isikkivilik.

Sumiiffimmi tassani aamma ataatsimut atorneqartussanngorlugu sumiiffik pilersaarutigineqartutut taaneqartartoq, pilersaarutigineqarpoq nutaanik akunnittarfiliortoqassasoq, suliffeqarfi-liortoqassasoq pisiniarfiliortoqarlunilu ilaalu ilanngullugit, tak. Kommunimi pilersaarut 2006-2016.

Sumiiffik sanaartorfigineqarnikuunngilaq. Utoqqaat Illuat nutaaq sumiiffimmut C3-mut inissineqassappat, sumiiffik sanaartorfigiuminarsarneqassaaq. Taamaattumik siunnersuuteqartup unammisitsinissamut siunnersuummi nassuiassavaa qanoq sumiiffik sanaartorfigiuminarsarneqassanersoq taamaalilluni Kommunimi pilersaarummi piumasaqaatit, soorlu aqqusernginut, biilnik inissivinnut, eqquutinneqarniassammata.

2.3 *Aningaasaqarnikkut sinaakkutit*

Nutaamik utoqqaat illuliornissamut, inissiamut B-27-imut pioreersumik iluarsartuussinissaq ilanngullugu, kr. 20.000.000-inik aningaasaliisoqassaaq, inissiaq nutaaq utoqqaat illuani pioreersumi inissisimatinneqaannassappat.

2.4 *Utoqqaat Illuanut nutaamut piumasaqaatit*

Utoqqaat Illuani nutaami inuit 50-it missaanni, oqilisaalluni inissaqartitsinerit ilanngullugit, inissaqartinneqarsinnaassapput. Inissat pilersaarusionerluarneqassapput taamaalilluni ukiuni qulini tulluuttuni pisariaqartitsineq matussuserneqarsinnaaniassammat. Maanna utoqqaat illuani pioreersumi katillugu 35-inut inissaqartitsisoqarsinnaavoq.

Ullumikkut utoqqaat illuani ullormut amerlanerpaamik inuit 30-it missaanni sulisinnaapput.

2.5 *Pisariaqartinneqartut immikkoortorta qarfiillu - "Sulisut siunnersuutaat"*

Puiguttunngornermik nappaatilinnut immikkoortorta qarfik

Utoqqaat Illuani nutaami puiguttunngornermik nappaatilinnut immikkoortorta qarfeqassaaq inunnut 18-inut inissaqartitsisinnaasumik. Sinittarfiit akornanni innarluutilinnut tulluarsakkanik perusuersartarfeqassaaq uffarfeqarlunilu.

Nerisarfik kiisalu isersimaartarfik sapinngisamik immikkoortuussapput. Isersimaartarfimmi fjernsynernissamut raadiornissamullu, kasettebåndilimmik oqalualartunik tusarnaarnissamut atugassaq, periarfissaqassaaq.

Immikkoortorta qarfimmi kaassuartaqartunik nuussinissamut marlunnik kivittaateqassaaq. Puiguttunngornermik nappaatilinnut immikkoortorta qarfimmi amerlanerpaamik ullormut tallimanik sulisoqarsinnaassaaq, unnukkut tallimanik unnuakkullu marlunnik.

Paaqqinninnermut immikkoortorta qarfik

Paaqqinninnermut immikkoortorta qarfimmi 18-inik sinittarfeqassaaq, 22-inik inissaqartitsisoqarsinnaassalluni, aappariinnut sisamanik kisimiittunullu 14-inik, oqilisaalluni inissaqartitsinnermut marluk ilanngullugit, sinittarfeqassaaq.

Taamatuttaaq sinittarfiit akornanni innarluutilinnut tulluarsakkanik perusuersartarfeqassaaq uffarfeqarlunilu immaqalu kinisimaartarfeqarluni.

Paaqqinninnermut immikkoortorta qarfimmi ullormut 7-8-nik sulisoqarsinnaassaaq unnukkut tallimanik unnuakkullu marlunnik.

Nammineersinnaanerusunut immikkoortorta qarfik

Nammineersinnaanerusunut immikkoortorta qarfimmi 18-inut inissaqartitsisoqassaaq, aappariinnut sinittarfiit marluk, kisimiittunut sinittarfiit 12-14-it.

Taamatuttaaq sinittarfiit akornanni innarluutilinnut tulluarsakkanik perusuersartarfeqassaaq uffarfeqarlunilu.

Nammineersinnaanerusunut immikkoortorta qarfimmi 4-5-inik ullukkut sulisoqarsinnaassaaq, unnukkut marlunnik unnuakkullu marlunnik.

2.6 *Isersimaartarfik sammisassaqartitsinerillu*

Paaqqinninnermut immikkoortorta qarfimmi aamma nammineersinnaanerusunut immikkoortorta qarfimmi najugalinnut tamanut isersimaatarfeqassaaq, katillugu najugalinnut 40-nut ulluuneranilu 10-nut isersimaartartunut (utoqqaat illoqarfimminngaanneersut) inissaqartitsisoqassaaq. Isersimaartarfimmi fjernsyneqassaaq, raadioqassaaq kasettebåndilik oqalualaanut tusarnaarutissaq, sofaqassaaq, ilisiveqassaaq immaqalu nerriveqarluni issiavittalik il.il.

Utoqqaat Illuani nutaami sammisassaqartitsiveqassaaq sammisassaqartitsinnermut atortulik, skaavilik najugalinnullu kiisalu utoqqarnut illoqarfimmeersunut peqqumaasiviusinnaasut. Naatsorsuutigineqarpoq sammisassaqartitsivimmi sulisut 2-3 pisariaqartinneqassasut.



Kissaatigineqarpoq nerisarfik sammisassaqtitsiviup qanittuani inissineqassasoq. Nerisarfimmi nerisoqartassaaq kiisalu juullerpalaartitsinermut aamma/imaluunniit naalagiarnermut il.il. atorqartassalluni.

Kissaatigineqarpoq najugaqartunut toqungajalersunut ineqassasoq. Toqungajalersunut inimi anersaartuummut (iltapparat) peqqissaanermullu atortunut allanut il.il. aquteqassaaq. Immikkoortotaqarfimmi marlunni toqungajalersunut iniliortoqarsinnaavoq imaluunniit najugaqartunut tamanut ataatsimoorussamik toqungajalersunut iniliortoqarsinnaavoq.

Tamatuma saniatigut kissaatigineqarpoq inimik misissuisarfimmik inimillu tagiartuisarfimmik atortutalimmik skaavilimmillu pilersitsisoqassasoq. Ini paaqqinninnermut immikkoortotaqarfimmut inissineqarnissaa kissaatigineqarpoq.

Sumiiffimmi ininilu tamani atuisut kaassuartakkersorlutik appakaassinnaanissaat isumagineqassaaq.

Najugaqartut silaannarissarsinnaasassapput, taamaattumik kissaatigineqarpoq anersaartarliortoqassasoq (altaner og terrasser).

2.7 Allaffissorneq allaffiillu

Sulisunut allaffeqassaaq ataatsimiittarfeqarlunilu ikiortinut, pisortamut, angerlarsimaffimmi ikiorteqartitsinermut allaffimmut sammisassaqtitsinermullu pisortamut inissaqartitsisumik. Ataatsimiittarfimmi 30-50-missaat inissaqartinneqassapput.

Angerlarsimaffimmi ikiorteqartitsinermut allaffimmi pisortallu allaffiani sulisunut 15-inut inissaqartitsisoqassaaq.

Sulisunut perusersartarfeqassaaq atisalersortarfeqarlunilu.

Pedelli taassumalu ikiortaa namminneq allaffeqassapput sakkunut il.il. toqqorsivittalimmi.

Iggavik nutaaq iggavimmi pisortamut allaffilik kiisalu peqqumaasivilik silarlilillu, ini nillataartitsivik, qerititsivissuit marluk, iffiorfik, nerisassiofik kiisalu sulisunut isersimaartarfeeraq pisariaqartinneqarput. Naatsorsuutigineqarpoq iggavimmi inuit qulit missaat sulisorineqassasut. Iggavimmi nutaami najugalinnit, utoqqarnut illoqarfinneersunit sulisunit ulluinnarni pisariaqartinneqartut matussuserneqarsinnaassapput.

Iggaviup eqqaani nerisarfiliortoqarsinnaavoq (hjørnekantine) aamma/imaluunniit sulisunut, najugalinnut pulaartunullu kioskeeraq.

2.8 Eqqiaaneq peqqumaasiviillu

Kissaatigineqarpoq utoqqaat illuani nutaami illoqarfimmi kiisalu utoqqaat illuani errorsisarfimmik atuisunut nutaamik errorsisarfiliortoqassasoq arfineq-pingasunik errorsivilimmik pingasunillu panersaavinnik. Errorsisarfik naqqup-iluani imaluunniit inissiap isuani inissineqassaaq nipiliortarnera pissutigalugu. Naatsorsuutigineqarpoq errorsisarfimmi inuit 3-4 sulisorineqarnissaat pisariaqartinneqassasoq.



Pingaarnertut peqqumaasiveqassaaq ukioq naallugu paaqqutarinninnermut ikiuinnermullu ator-tussanik toqqorsiviusunnaasoq.

Tamatuma saniatigut paaqqinninnermut aamma nammineersinnaanerusunut immikkoortotaqar-fimmi qitiusumik peqqumaasiveqassaaq kiisalu anginngitsunik peqqumaasiveqassalluni error-tiveqassalluni/eqqiaanermut atortunut toqqorsiveqassalluni. Peqqumaasivinni soorlu paaqputa-rinninnermut atortut, sulisut najugallillu atitaannut erroqqammikkanut il.il. inissaqartitsisoqas-saaq.

Errortuiviit eqqiaanermullu atortunut toqqorsivimmi inissaqarluassaaq, eqqiaanermi qamutit ar-finilli missaat atorneqassapput naatsorsuutigineqarporlu sulisut sisamat pisariaqartinneqassasut.

2.9 *Piffissaliussat*

Neqeroortitsineq piffissaliussat makku malillugit ingerlanneqassaaq:

- 02. Januar 2011 Neqeroortitsineq tamanut saqqummiunneqassaaq (kommunip nittartagaa).
- 02. februar 2012 Ulloq paasissutissanik pissarsiniarnissamut, apeqquteqarnissamut, ataatsimeeqateqarnissamut il.il. kingulleq.
- 09. februar 2012 Neqerooruteqarsimasut ulloq kingulleq. tak. neqeroortitsissutigineqartussamik allaatigininneq.
- 10. februar 2012 Neqerooruteqarsimsut suliariumannittussarsiuussinerup inerneranik paasitinneqassapput.
- 24. februar 2012 Neqerooruteqarsimasu kina toqqarneqarsimaneranik nalunaarfigineqassapput.
- 27. februar 2012 Suliniummut siunnersuut
- 15. marts 2012 Suliniummut siunnersuummik akuersissutiginninneq

Suliniuummi pingaaruteqarluinnarpoq piffissaliussat eqquutinneqarnissaat. Siunnersuuteqartoq suliarinninnissamut isumaqatigiissuteqarnermi piffissaliussat eqquutinneqarnissaannut qulak-keerinninnissamut pisussaallissaaq. Pisussaaffimmik sumiginnaanertut isigineqassaaq piffissa-liussat eqquutinneqangippata.

Immikkoortunut tulluuttunut piffissaliussat siunnersuisartoq suleqatigalugu suliarineqassapput.

3.00 Piumasaqaatinik erseqqissaaneq

3.1 *Isikkua illoqarfimmilu avatangiisinut tulluussarnera*

Unammisitsinnermut siunnersuummi allassimassaaq qanoq ililluni utoqqaat illuat nutaaq illoqar-fimmi avatangiisinut tulluussarneqassanersoq taamaattumillu immikkoortortami pilersaarum-mut naapertuuttumik inissianut pioreersunut tulluurtuussalluni. Kommunimi pilersaarummut tapiliussanullu atuuttut naapertorlugit kissaatigineqarpoq qanoq ililluni inissiaq atortut qalipaa-tilluunniit assigiinngitsut atorlugit inissiami saanut assigiinngitsunut arlalnnut naleqqussarne-qarsinnaanersoq allaaserineqassasoq.



3.2 Atorluarsinnaanera sanaartoriaatsillu

Kissaatigineqarpoq sanaartornerup ingerlarnga kiisalu piffissaq sanaartorfissatut naatsorsuutigineqartoq allaaserineqassasoq. Tamatuma saniatigut nassuiarneqassaaq inissiap sanaartorneqarnerata nalaani kingornalu qanoq ililluni isugutammut illersorneqassanersoq inissiallu ilua silaannarissuutinniarlugu sanaartoriaatsitigut atortutigullu qanoq qulakkeerneqassanersut.

3.3 Aserfallatsaaliuineq innaallagissallu aqputai

Kissaatigineqarpoq atortut atorineqartussat aserfallatsaaliornissaannut pisariaqartitsinerat sapinngisamik minnerpaaffimminniissasut kiisalu sivisuumik piusinnaasuussasut. Teknikkikkut aaqiissutit qanoq ilullutik inissiap ilua silaannarissuutinnissaannut iluaqutaassanersut nassuarneqassaaq.

Tamatuma saniatigut kissaatigineqarpoq innaallagissat aqputai utoqqaat illuani atorineqartussatut misilerarneqarnikooriissasut qulakkeerneqarnikooreerlutillu.

3.4 Ingerlatsineq Aningaasaqarnerlu

Kissaatigineqarpoq utoqqaat illuat nutaaq atortunik ingerlannerannut annikitsumik aningaasartuutilinnik sanaartorneqassasoq, teknikkikkulli aaqiissutit toqqarneqarsimasut misilerarneqarnikooreernerat atuisunullu eqqarsaatigalugit qulakkeerneqareernikuunerat nassuiarneqassasoq.

Kissaatigineqarpoq sanaartornermi aningaasartuutit tamarmik ataatsimut aningaasaqarnermut allanneqassasut, ingerlatsineranut, aserfallatsaaliuineranut kiisalu innaallagiaqarnermut atuinerullu aningaasartuutit ilanngunneqassallutik. Ataatsimut aningaasaqarnermi tunngavilersorneqarsinnaassaaq toqqarneqarsimasut sooq nalinginnaasumik sanaartornermit pitsaanerunersut.

3.5 Unammisitsinissamut siunnersuummut piunasaqaatit

Neqeroorut qallunaatuujussaaq kalaallisuujuulluniluunniit.

Siunnersuuteqartup unammisitsinissamut siunnersuummi suliffeqarfik siunnersuutip toqqarneqarsimasup piffissaliussap iluani inissiap sanaartorneqarnissaata tungaanut pileraarusioqqinnissaanut piginnaasoq akissaqartorlu uppersarsinnaassavaa.

Ilusiliussassatut siunnersuut minnerpaamik makkuninnga imaqaassaaq:

- **Sanaartugassap qulaaniit titartarnera (Situationsplan) 1:500**

Sanaartugassap qulaaniit titartarneranit takuneqarsinnaassaaq siunissami sumiiffimmut qanoq pileraaruteqartoqarnerasoq (inissiat, utoqqaat illuanut nutaamut isertarfiit, sumiiffimmi illerngit, biiliniq inissiiviit kiisalu silami aneerasaartarfiit.

- **Sanaartukkap saneraaniit titartarnera (Terrænsnit) 1:500**

Pileraarummit takuneqarsinnaassaaq inissiat sanaartukkanut pioreersunut immikkoortortamullu pileraarummut sanilliullugu qanoq inissisimanersut.



- **Pileraarut, sanaartukkap saava qiperuinerlu 1:200**

Pileraarutini siunissami pingaarnerut ilusilersuinissaq takuneqarsinnaassaaq (najugaqartunut sinittarfiit, ataatsimut isersimaartarfiit, sammisassaqartitsivik, init, sulisunut allaffiit, iggavik, perusersartarfiit, errorsiviit eqqiaanermullu atortunik toqqorsiviit, peqqumaasiviit, il.il). Sanaartukkap saavanit qiperuinerullu takuneqarsinnaassapput sanaartukkap pitsaasumik inerisar-neqarsimanagera sanaartukkallu silataata qalliutai.

- **Allaatiginnineq**

Kissaatigineqarpoq aningaasaqarneq, atorluasinnaaneq, sanaartukkap isikkua, pitsaassuseq ingerlatsinerlu pillugit suliniummi nassiunneqartumi titartaasarfiup isumaliuutersuutai allaaserineqassasut.

3.6 Unammisitsinissamut siunnersuummik toqqaaneq

Toqqaanermi imatut pingaarnersiuisoqassaaq:

Toqqaanermi pingaartitaq 1: 50%

- Atorluarsinnaanera naleqqussarluarsinnaaneralu
- Sanaartornermut piffissaq atorneqartussaq
- Aserfallatsaaliornissaanut pisariaqartitsineq piusinnaassusialu

Toqqaanermi pingaartitaq 2: 30%

- Isikkua
- Innaallagissiuutinut aningaasartuutit
- Suliniummut tamakkerlugulu aningaasaqarneq

Toqqaanermi pingaartitaq 3: 20%

- Suliaq ataasiakkaartunngorlugu suliarinnittussarsiuussinissamut pileraarusiorneqarnissamut akigititaq.

3.7 Unammisitsinermut siunnersuutitut periarfissat

Unammisitsinermut siunnersuutitut periarfissatut neqeroorisooqarsinnaavoq. Unammisitsinermut siunnersuutitut periarfissami immikkoortumi 3.5 Unammisitsinermut siunnersuummut piumasagaatit-mi immikkoortumilu 3.6 Unammisitsinermut siunnersuummik toqqaaneq-mi atugassarititaasut minnerpaamik eqquutinneqassapput.

Periarfissatut siunnersuummik tunniussinerneq neqeroortitsinerneq periuseq siunnersuummullu piumasagaatit uani Sanatitsisumit Saqqummiussami allaaserineqarsimasut eqquutinneqassapput.

Periarfissatut siunnersuusiornerneq allanneqarsimasunit unammisitsinermut siunnersuummi immikkoortut suut assigiinngissutaanersut allaaserineqaaqqissaassapput. Periarfissatut siunnersuummi akit ilanngunneqassapput.



3.8 *Pissamaarussiussineq*

Pissamaarussiussineq akuerineqassanngilaq.

3.9 *Tamalaat*

Neqeroorummik tunniussineq pituttuisitsisuuvoq neqeroorsimasorlu neqeroornermut inatsit A95-ilu tunngavigalugu neqeroorutini atuutissavaa.

Neqeroorummik itigartitsinerme ajunngitsorsiassanik tunniussisoqarnaviannngilaq. Neqeroorutitut atortussiat tapiliussartai ilanngullugit Kommunimit pigineqartutut isigineqassapput.

TAPILIUSSATUT ATORTUSSIAT

Soqanngilaq.

